



Lingalaks AS
Skjærgårdsfisk AS
Lingavegen 206
5630 STRANDEBARM

Dato: 12.12.2014
Vår ref.: 2014/19395-15
Sakshandsamar: Endre Korsøen
Telefon: 917 64 632

H-R-1 og H-R-17 Skjærgårdsfisk AS org. nr. 938124426 og H-R-18, H-KM-1 og H-KM-4 Lingalaks AS org. nr. 960900626 - Løyve til å etablere anlegg for oppdrett av matfisk av laks og aure på lokalitet 31497 Toska N i Radøy kommune

Vi syner til Dykker søknad av 31.07.2014

Vedtak

Hordaland fylkeskommune gjev med dette Skjærgårdsfisk AS, org. nr 938124426, akvakulturløyve med reg. nr. H-R-1 og H-R-17, Lingalaks AS org. nr. 960900626, akvakulturløyva med reg.nr. H-R-18, H-KM-1 og H-KM-4, løyve til å etablere flytande akvakulturanlegg for oppdrett av matfisk av laks (*Salmo salar*), aure (*Salmo trutta*) og regnbogeaure (*Oncorhynchus mykiss*) i sjø på følgjande lokalitet i Radøy kommune i Hordaland fylke:

Nr	Lokalitet	Kommune	Lokalitets-biomasse	Anleggets midtpunkt Euref89/WGS84	Samlokalisering
31497	Toska N	Radøy	3620 tonn	60° 40.192' N 4° 55.032' E	H-R-1, H-R-17, H-R-18, H-KM-1 og H-KM-4

Anlegget er godkjent med følgjande hjørnepunkter-kartreferansar oppgjeve i Euref-89/WGS84					
1	2	3	4	5	6
60° 40.059' N 4° 55.373' E	60° 40.080' N 4° 55.273' E	60° 40.271' N 4° 54.731' E	60° 40.305' N 4° 54.783' E	60° 40.115' N 4° 55.326' E	60° 40.072' N 4° 55.390' E

Lokalitet 31497 Toska N er godkjent for løyva H-R-1, H-R-17, H-R-18 og H-KM-4. Løyve H-R-17 er eit visningsløyve som omfattar ein maksimal tillaten biomasse på 500 tonn. Kvar av løyva H-R-1, H-R-18 og H-KM-1 og H-KM-4 omfattar ein maksimal tillaten biomasse på 780 tonn. For nærmare oversikt over kva lokalitetar som er godkjent for dei einskilde løyva, viser vi til akvakulturregisteret.

Dette løyvet erstattar tidlegare vedtak om lokalitetsklarering av 11.04.2014.

Lovheimel

Løyvet er gjeve av Hordaland fylkeskommune med heimel i Lov av 17.06.2005 nr. 79 om akvakultur og Forskrift av 22.12.2004 nr. 1798 om tillatelse for akvakultur for laks, ørret og regnbueørret (laksetidelingsforskrifta). Dette løyvet etter akvakulturlova inkluderer løyve etter matlova, forureiningslova og hamne- og farvannslova.

Grunngjeving

Skjærgårdsfisk AS og Lingalaks AS søkte 31.07.2014 om utviding av maksimalt tillaten biomasse (MTB) i anlegg for oppdrett av matfisk av laks og aure med 1280 tonn på lokalitet 31497 Toska N i Radøy kommune.

Lokalitet 31497 Toska N er klarert for ein MTB på 2340 tonn. Verksemde søker no om auka MTB til 3620 tonn på lokaliteten. Det vert ikkje søkt om endringar i arealbruk eller utstyrsendringar.

Bakgrunnen for søknaden er å legge til rette for eit framtidsretta anlegg for Skjærgårdsfisk AS og Lingalaks AS. Ved å gjere denne endringa vil ein styrka Skjærgårdsfisk AS som eit lokalt selskap med eigen administrasjon og drift i Radøy kommune. Soneinndelinga som er iverksatt medfører at Toska N blir ein svært viktig lokalitet for Skjærgårdsfisk AS og Lingalaks AS. Endring av MTB vil gje moglegheiter til å optimalisere drifta ytterlegare på lokaliteten og innanfor sonene med tanke på fiskehelse- og velferd, og for å kunne gjennomføre ein "alt inn og alt ut" produksjon mest mogleg hensiktsmessig. Tilpassinga til soneinndelinga vil betra dei langsiktige utviklingsmoglegheitene til næringa. Verksemde viser også til gode miljømålingar over fleire generasjoner som viser at lokaliteten har god tåleevne.

Søknaden vart kunngjort etter retningslinene og har lege ute til offentleg innsyn i Radøy kommune. Det kom ikkje inn lokale merknader til søknaden.

Radøy kommune har kome med slik uttale den 08.10.2014:

"Søknad om utviding av MTB på lokaliteten på Toska N har vore ute på høyring. Varsel var sendt Norsk lysingsblad, annonsert i lokalavisa Strilen og kunngjort på kommunen si heimeside. Frist for å komme med merknad var satt til 1. oktober 2014. I høyringsperioden er det komme 1 brev, frå Kystverket, som bekreftar at løyve til etableringa er gjeve tidlegare. Dette finn de vedlagt."

Lokaliteten ligg i godkjent akvakulturområde i kommuneplanen.

Søknaden er handsama av Kystverket Vest 18.09.2014. Kystverket Vest har tidlegare i medhald av hamne- og farvassloven gjeve løyve, dagsett 15.05.2012, til etablering av noverande anlegg. Dette løyvet blir ført vidare.

Søknaden er handsama av Fiskeridirektoratet Region Vest 23.10.2014. Fiskeridirektoratet Region Vest har vurdert søknaden i høve til konsekvensar for tradisjonell fiskeriverksemd. Noverande søknad gjeld utviding av MTB utan vidare endring av arealbruk, og Fiskeridirektoratet Region Vest har ingen vidare merknader i høve til konfliktpotensial med utøving av fiske.

Søknaden er handsama av Mattilsynet DK Bergen og omland 04.11.2014. I medhald av § 5 i Forskrift av 17.06.2008 nr. 823 om etablering og utviding av akvakulturanlegg, zoobutikkar m.m., gjev Mattilsynet DK Bergen og omland løyve til utviding av akvakulturlokalitet 31497 Toska N til ein produksjon på 3620 tonn MTB for oppdrett av matfisk av laks og aure med følgjande særskilde vilkår:

Lokaliteten skal for kvar generasjon ha minst 1 månad felles brakkleggingstid med dei andre lokalitetane i smittehygienisk fellesområde nr. 15 - Radøy Nord.

Søknaden er handsama av Fylkesmannen i Hordaland, miljøvern- og klimaavdelinga 09.12.2014. Fylkesmannen har handsama søknaden etter forureiningslova og vurdert han etter naturvern-, friluftsliv-, vilt-, lakse- og innlandsfiskeinteresser, og naturmangfaldlova.

Med heimel i forureiningslova frå 13.03.1981 nr. 6, § 11 og 16 har Fylkesmannen i Hordaland gjeve Skjærgårdsfisk AS og Lingalaks AS løyve til utslepp til luft og vatn for produksjon av 3620 tonn MTB av laks og aure på lokalitet 31497 Toska N. Lokaliteten er plassert i Helleosen i Radøy, rett aust for Skjeggholmen, nord for Uttosko. Helleosen ligg ope og noko eksponert til mot Fedjeosen i nordvestleg retning. Djupet varierer frå 65 til litt over 100 m på sjølve lokaliteten, mens det blir grunnare i sør austleg retning, og djupare nordover mot Helleosen.

Rapport frå straummåling og resipientgransking viser at lokaliteten kan fungere tilfredstillande ved auka MTB. Straummålingane viser at lokaliteten har relativt gode straumforhold som kan syta for god spreiing av organisk avfall.

Resipientgranskinga viser at det er lite teikn til miljøpåverknad i lokaliteten med botndyr i alle grabbprøvane, samt inga lukt eller anokiske førehald. PH verdiane ligg på akseptable nivå i alle prøver og lokalitetstilstand er satt til 1 (då 2 tidlegare MOM B undersøkingar viser både tilstand 1 (2009) og 2 (2012)). Men ut frå dei resultata som blir presentert i søknaden og innsende rapportar, meiner Fylkesmannen det er tilrådeleg å gi løye til ein biomasse på 3620 tonn på lokaliteten.

Der er ingen særlege interesser knytt til naturvern og friluftsliv i området registrert i *Naturbase* og *Artsdatabanken* som kan komme i konflikt med planane på lokaliteten. Der finnes noko spesielle naturtypar i nærliek til lokaliteten som skjelsand og tareskog. Det finnes også hekkande sjøfugl på nærliggande Langholmane. Det er viktig at verksemda prioriterer effektive tiltak mot lakselus og rømming.

Hordaland fylkeskommune har vurdert søknaden etter lov av 17. juni 2005 nr 79 om akvakultur, og i høve til generelle vilkår for klarering av akvakulturlokalitet som nemnd i § 30 i laksetildelingsforskrifta som seier at lokalitet for akvakultur kan klarerast dersom:

a) *det er miljømessig forsvarlig;*

b) *det er foretatt en avveining av arealinteresser, med særlig vekt på*

1. *søkers behov for areal til planlagt akvakultur,*
2. *alternativ bruk av området til annen akvakultur,*
3. *annen bruk av området, og*
4. *verneinteresser som ikke omfattes av bokstav d.*

c) *det er gitt tillatelser som kreves etter*

1. *lov 19. desember 2003 nr. 124 om matproduksjon og mattrygghet mv.,*
2. *lov 13. mars 1981 nr. 6 om vern mot forurensninger og om avfall,*
3. *lov 17. april 2009 nr. 19 om havner og farvann.*

d) *det ikke er i strid med*

1. *vedtatte arealplaner etter plan- og bygningsloven 14. juni 1985 nr. 77,*
2. *vedtatte vernetiltak etter kapittel V i lov 19. juni 2009 nr. 100 om forvaltning av naturens mangfold,*
3. *vedtatte vernetiltak etter lov 9. juni 1978 nr. 50 om kulturminner.*

og kome fram til at tiltaket ikkje kjem i konflikt med reglane i forskrifta.

Ved handsaming av søknaden er sakshandsamingsreglane i naturmangfaldlova av 19. juni 2009 nr. 100 § 8 - 12 følgt i vurdering av om tiltaket det vert søkt om er miljømessig forsvarleg etter laksetildelingsforskrifta §30a. Søknaden har på vanleg måte etter reglane i akvakulturlova vore til handsaming hjå kommunen og sektorstyresmaktene, og det er ikkje kome opplysningar om at saka ikkje er tilstrekkeleg opplyst i høve til oppdrettsanlegget si påverknad på naturmangfaldet. Hordaland fylkeskommune vurderer derfor at kunnskapsgrunnlaget er tilstrekkeleg til å fatte eit vedtak og at det omsøkte tiltaket ikkje har ein irreversibel påverknad på naturmangfaldet.

Etter ei samla vurdering har Hordaland fylkeskommune gjeve Skjærgårdsfisk AS, org. nr 938124426, akvakulturløyve med reg. nr. H-R-1 og H-R-17, Lingalaks AS org. nr. 960900626, akvakulturløyva med reg.nr. H-R-18, H-KM-1 og H-KM-4, løyve til å etablere flytande akvakulturanlegg for oppdrett av matfisk av laks (*Salmo salar*), aure (*Salmo trutta*) og regnbogeaure (*Oncorhynchus mykiss*) med ein maksimal tillaten lokalitetsbiomasse på 3620 tonn på lokalitet 31497 Toska N i Radøy kommune på nærmare vilkår.

Generelle vilkår

Løyve vert gjeve under føresetnad av at etablering, drift og eventuelt avvikling vert gjennomført i samsvar med gjeldande lovverk, forskrifter og vilkår.

Lokaliteten skal etablerast i samsvar med vedlagte kart. Dersom De ønskjer å endra anlegget i høve til dette løyvet, må det sendast søknad om dette til Hordaland fylkeskommune.

Løyve etter Akvakulturlova inneberer at det er gjeve eit offentleg rettsleg løyve inkludert løyve etter matlov, forureiningslova og hamne- og farvannslova.

Løyvet vert gjeve utan ansvar med omsyn til nabo-, eigedoms- eller andre privatrettslege tilhøve. Dette løyvet fritek Dykk ikkje frå plikt til å innhenta naudsynt løyve etter andre lover, eller plikt til å retta Dykk etter reglar og påbod som vert gjeve med heimel i slike lover.

Løyve kan trekkjast attende eller anlegget kan verte kravd redusert dersom tilhøva skulle tilseie dette.

Pliktar

Som konsesjonsinnehavar har De plikt til å sette Dykk inn i det regelverket som gjeld for løyver etter akvakulturlova. Akvakulturlova med tilhøyrande forskrifter er tilgjengeleg på www.lovdata.no.

De pliktar å gje representantar frå Fiskeridirektoratet, Fylkesmannen, Kystverket og Mattilsyn tilgang til gransking av, og opplysningar om, anlegget.

Kopi av dette løyvet med vedlegg skal oppbevarast tilgjengeleg for alle tilsette på anlegget, også slik at løyvet kan synast til alle som har kontrollrett.

Vedlegg

Uttale frå Fylkesmannen i Hordaland 09.12.2014, Mattilsynet, DK Bergen og omland 04.11.2014 og Kystverket Vest 18.09.2014 og 15.05.2012, samt kart med godkjent plassering av anlegget og klageskjema fylgjer vedlagt.

Klage

Vedtaket kan påklagast. Sjå om dette i vedlagde orientering. Ei eventuell klage skal framsettast til Hordaland fylkeskommune, sjølv om klaga gjeld vedtak fatta av Fylkesmannen, Mattilsynet eller Kystverket.

I medhald av forvaltningslova sin § 27b vert det sett som vilkår for å gå til søksmål at ein har nytta høvet til å klaga. Ein gjer merksam på at eventuell klage ikkje fører til at iverksetjing av vedtaket vert utsett. Det er likevel høve til å søkje om at iverksetjing blir utsett til klagesaka er avgjort.

Bård Sandal
fylkesdirektør regional utvikling


Gudrun Mathisen
sekjonsleiar

Brevet er godkjent elektronisk og har derfor ingen underskrift.

Kopi:

Fiskeridirektoratet Region Vest
Fylkesmannen i Hordaland, miljøvern- og klimaavdelinga
Mattilsynet, DK Bergen og omland
Kystverket Vest
Radøy kommune

H-R-1 og H-R-17 Skjærgårdsfisk AS,
 H-R-18, H-KM-1 og H-KM-4 Lingalaks AS
 Lokalitet 31497 Toska N




Lokalitet 31497 Toska N

© Fiskeridirektoratet



Målestokk: 1:10 000



Hordaland fylkeskommune

Agnes Mowinckels gate 5
PB 7900
5020 Bergen

Tlf: 55 23 90 00
e-post: hfk@hfk.no
www.hordaland.no

Foretaksnr. NO 938 626 367 mva.
Kontonr. [xxxx xx xxxxxx]

Line	GPS position antennebrygge	Symbol
B	60 40 272 N 4 54 739 O	
B7	60 40 114 N 4 55 323 O	
A7	60 40 081 N 4 55 274 O	
A	60 40 304 N 4 54 789 O	
GPS posisjon anlegg midtpunkt		
M	60 40 192 N 4 55 032 O	
Antenn Reference		
LineName	LNKA LAKS AS	
Designet av	LINKE LAKS AS	
Virke Arkivdok	17.06.2011	
Oppmålt av	17.06.2011	
Klasse	Klasse 2	
Klasse bunnmålestasjon	Klasse 2	
Forsyningstakegrense	Forsyningstakegrense	
Lok. No.	31.10.05-2012	
Oppmålingstidspunkt	13	

(1) Sendar (stemplet til forvaltningsorganet)
Hordaland fylkeskommune
Agnes Mowinckels gate 5
PB 7900
5020 BERGEN

**Melding om rett til å klage over
forvaltningsvedtak**
(Forvaltningslova § 27 tredje leddet)

Dato: 12.12.2014

(3) Mottakar (namn og adresse)
Skjærgårdsfisk AS
Lingalaks AS

(4) Klageinstans
Fiskeridirektoratet
Postboks 185 Sentrum
5804 BERGEN

Denne meldinga gjev viktige opplysningar dersom De vil klage på eit vedtak De er gjord kjend med.

Klagerett

De har rett til å klage på vedtaket.

Kven kan De klage til?

Klaga sender De til oss, dvs. det organet som er ført opp i rubrikk (1). Dersom vi ikkje endrar vedtaket vårt som følgje av klaga, sender vi klaga over til klageinstansen, jf. rubrikk (4).

Klagefrist

Klagefristen er tre - 3 - veker frå den dagen dette brevet kom fram. Det er nok at klaga er postlagd før fristen går ut. Dersom De klagar så seint at det kan vere uklart for oss om De har klaga i rett tid, bør De oppgje datoен for når De fekk dette brevet. Dersom De klagar for seint, kan vi sjå bort frå klaga. De kan søkje om å få lengre klagefrist, og da må De nemne grunnen til at De ønskjer det.

Rett til å krevjegrundgjeving

Dersom De meiner at vi ikkje har grunngjeve vedtaket, kan De krevje ei slik grunngjeving før fristen går ut. Ny klagefrist blir då rekna frå den dagen De får grunngjevinga.

Innhaldet i klaga

De må presisere

- kva for eit vedtak De klagar på
- årsaka til at De klagar
- den eller dei endringar De ønskjer
- eventuelt andre opplysningar som kan ha noko å seie for vurderinga av klaga

Klaga må underskrivast.

Utsetjing av gjennomføringa av vedtaket

Jamvel om De har klagerett, kan vedtaket til vanleg setjas i verk med det same. Men de kan søkje om å få utsett gjennomføringa av vedtaket til klagefristen er ute eller til klaga er avgjord.

Rett til å sjå saksdokumenta og til å krevje rettleiing

Med visse unntak har De rett til å sjå dokumenta i saka. Reglane om dette finst i § 18 og § 19 i forvaltningslova. De må i tilfelle ta kontakt med oss, jf. rubrikk (1). De vil då få nærmare rettleiing om retten til å klage, om framgangsmåten og om reglane for saksgangen.

Kostnadene med klagesaka

De kan søkje om å få dekt utgifter til den advokathjelpa De treng, etter reglane om fritt rettsråd. Her gjeld det visse grenser for inntekt og eige. Fylkesmannen eller advokaten Dykker kan gje nærmare opplysningar om dette. Dersom vedtaket er endra til Dykker fordel, kan De etter forvaltningslova ha krav på å få dekt store kostnader som har vore naudsynte for å få endra vedtaket. Klageinstansen (jf. rubrikk (4)) vil orientere Dykk om retten til å krevje slik dekning.

Klage til Sivilombodsmannen

Dersom De meiner at De har vore utsett for urett frå den offentlege forvaltinga, kan De klage til Stortingsombodet for forvaltinga (Sivilombodsmannen). Sivilombodsmannen kan ikkje sjølv endre vedtaket, men kan gje si vurdering av korleis den offentlege forvaltinga har handsama saka, og om dei har gjort feil eller forsømt noko. Dette gjeld likevel ikkje i saker som er avgjorde av Kongen i statsråd. Dersom De no får klaga Dykker avgjord i statsråd fordi Kongen er klageinstans, kan De såleis ikkje seinare føre saka inn for Sivilombodsmannen.

Særlege opplysningar

X-0073 N (Godkj. 05-95) Elektronisk utgåve